



## Peersjberiech van 't Gruutsj en Hoeglöstig Prinsepaar 2017 van C.V. de Sjlabbök-Amie.

Karnevalsvereining C.V. De Sjlabbök maak gruutsj en mèt vol gemood bekind, tot op zaoterdag 21 jannewarie um 23.11 oor in 't 62ste besjtaonsjaor, ten aanzien van 't nao vastenaovend verlangend Volk van Amie en umsjtreke, is oetgerope en geïnstalleerd tot

### Gruutsj en Hoeg Hoeglöstig Prinsepaar 2017:

#### Prins Stefan I en Prinses Marlin

De nuije Gruutsje en Hoeg Hoeglöstigheid van C.V. de Sjlabbök-Amie; Prins Stefan d'n Ierste en zien al eve Hoeglöstige Prinses Marlin zien in Amie - en daoboete - bekind es Stefan Ritzervelt en Marlin Janssen.

Zie woene in de O 33 in Amie.

Stefan verdeent de kos door te wèrke es commercieel / technisch rekeneir beej de firma Soons.

Zien prinses Marlin is projectintercedente beej Timing.

Oos Prinsepaar kint ziech vanaaf 2013 via 't voetballe.

Zie höbbe ziech liere kinne tijdes 'n feeske van de voetbalclub Willem 1, boe Marlin beej 't dameselftal sjeilde.

Hobbies heit oze Prins zier zeker; zoe kint geer häöm altied vinde op de tribune es MVV-ke thoes sjeilt, is heer trainer van 't twiede èlftal van ASV en is eine van de supermanne die geire same es kammereuij mèt-ein op sjtap goon.

Daoneve verzörg óze Prins al jaore 't vuurwèrk tijdens 't oplaote van Bertsje bok.

Zien prinses Marlin deit geire aan fitness beej Anytime.

Daoneve besjteid zie de mieste tied aan winkele en lunche mèt haar vriendinne.

En zie goon regelmatig same op sjtap en zien dan ouch regelmatig terögk te vinde in de Amiese horeca-gelegenhede.

Zoe es zie zelf zègke; luij van Amie, laote veer d'r de komende weke, heij in Amie, same 'n groet fees van make. Zie goon d'r in eder geval alles aan doen, um de karneval van 2017 'ne onvergeteleke te laote weure.



**Ziene Hoege en Gruutsje Hoeglöstigheid  
Prins Stefan d´n Iersjte  
zal ´t Amiese Riek van Sjlaaibök en Sjlaaimette goon regere  
oonder de vollegende titelatuur:**

**Prins Stefan d´n Iersjte**

**62<sup>ste</sup> Prins van CV de Sjlaaibök**

**Entrenador van ´t twiede elftal van oos asv-ke**

**Commerciale – technico calculatore beej Soons**

**Zoon van d´n direktäör van de einigste bank van gans Amie**

**Edere vriedag visitäör van ein van de Amiese Horecazake**

**Visitäör van de thoeswedstrije van MVV-KE**

**Groet fan van: Bestel mér, bestel mér .. Rowwen Heze**

**Activo membro van de supermannen van Amie**

**Bewoener van de flat mét oetzieg euver de Pin**

**Patrone van de ganse O**

